



**Sānem ne sānem, la wanzur ne wanzuri, la Burr ne
Burri la sa'ur ne sa'ur la tamaru ne tamaru, la
yamsem ne yamsem, (tek dame) yembr fāa ne a to, ti
zems taaba, kō la reege, nug ne nugu, la kōb-kāensā
sā n yōsa taaba, ti y na n koos ne taaba, bi y koos
wala y sēn tull to-to ninga, ti sā n yaa nug ne nugu,
(kō la reege)**

Yii a 'Ubaadat [bn Şaamit nengē, (Wēnd yard be a yīnga) ti Wēnd Tēn-tuumā (Wēnd puusg la A tilgr be a yīnga) a yeelame: «Sānem ne sānem, la wanzur ne wanzuri, la Burr ne Burri la sa'ur ne sa'ur la tamaru ne tamaru, la yamsem ne yamsem, (tek dame) yembr fāa ne a to, ti zems taaba, kō la reege, nug ne nugu, la kōb-kāensā sā n yōsa taaba, ti y na n koos ne taaba, bi y koos wala y sēn tull to-to ninga, ti sā n yaa nug ne nugu, (kō la reege)».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tilgr be a yīnga) vēnegdame n wilgdē, koosmā na-kēndr sēn manegā, yel a yoob nins rībaag sēn kēed b pugē wā, bāmb me la: sānem, la wanzuri, la Burre, la sa'ur, la tamaru, la yamsem. Rēnd sā n mikame ti yaa buud a yembre la na n tek ne taaba, wala koos sānem ne sānem, la wanzur ne wanzuri...yaa tulae ti sart a yiib zīndi: Rēnemā: yaa b zislemā yi yembre b peesgē wā, ti sā n yaa būmb sēn peesde, wala sānem la wanzuri, maa b yi yembr vūgbē wā ti sā n yaa būmb sēn vūgdi, wala burr la sa'urā (ki buudu) la tamaru la yamsem. Yiib soaba: yaa ti koasda reeg ligdā ti raadā reeg būmbā, la woto yaa koosmā gānegr zīigē. Rēnd kōb-kāensā sā n yōs taaba, wala rik sānem n koos ne wanzuri, la rik tamaru n koos ne burr bilgri, wakat-kānga koosmā sakdame ne sart a yembre, yē yaa koasā reeg a ligdā ti raadā reeg a būmbā (laogā) gāgbā zīigē, sā n ka rē (kūunā maa reegrā sā n yaoole) koosmā ka manegd ye, b luu rībaag sēn yaa haraamā pugē koasda la raadā fāa yaa yembr yel-kāngā pugē.

النجاة الخيرية
ALNAJAT CHARITY

